অবজ্ঞা করিয়া থাকে। আমাকে অবজ্ঞার প্রতিহেতু আমার শুদ্ধসন্ত্রময়ী তহুকে ভক্তেচ্ছাবশতঃ মনুষ্যাকার দেহে প্রকট করিয়াছি। অর্থাৎ তাহারা মনে করে—আমার এই দেহ প্রাকৃত মনুয়াকার। বস্তুতঃ আমার শ্রীমূর্ত্তি বিশুদ্ধ-সত্তময়ী স্বপ্রকাশা সচ্চিদানন স্বরূপা। কিন্তু ভক্তগণের সঙ্কল্পবশতঃ নিত্যই প্রকটিতমনুষ্যাকার। মূর্থলোক ইহার প্রমৃতত্ত্ব জানে না বলিয়াই অবজ্ঞা করিয়া থাকে। ''মোঘাষা মোঘকর্মাণো'' ইত্যাদি শ্লোকব্যাখা। ; তাহারা যে আমাকে অনাদর করে, তাহার আর একটি কারণ এই যে, তাহারা মনে করে— আমাভিন্ন অন্ত দেবতান্তর সত্তর সফল দান করিবে - এইপ্রকার ব্যর্থ আশা হৃদয়ে পোষণ করে। অতএব আমাতে বিমুখ বলিয়া নিক্ষল কর্মানুষ্ঠান করিয়া থাকে। আরও, তাহাদের শাস্ত্রজ্ঞান বিবিধ কুতর্কাশ্রিত ; অতএব বিক্ষিপ্তচিত্ত। এই সকল তৃষ্প্রবৃত্তি ঘটিবার কারণ —হিংসাদি প্রচুর রাক্ষসী অর্থাৎ তামসী, আর কামকর্মাদিবহুল অস্থরী অর্থাৎ রাজ্যী বৃদ্ধিভ্রংশকারী প্রকৃতি অবলম্বনে আমাকে অবজ্ঞা করিয়া থাকে।" এইক্ষণ কাহারা ঐাকৃফকে আরাধনা করে, তাহাই ''মহাত্মানস্ত মাং পার্থ'' ইত্যাদি শ্লোকে বর্ণন করিতেছেন। "যাহার। মহাত্মা অর্থাৎ কামাদিতে অনভিভূতচিত্ত তাহারা দেবস্বভাব প্রাপ্ত হইয়া অন্য সঙ্কল্লশূন্য হৃদয়ে জগৎকারণ নিত্যস্বরূপ আমাকে ভজন করিয়া থাকে।'' অতএব সর্ব্বান্তর্য্যামী ভজন হইতেও উত্তম বলিয়া তৎপর অস্টাদশাধ্যায়ে সর্ববিগুহাতমং ভূয়ঃ" ইত্যাদি শ্লোকে সর্বি'পদ্ উল্লেখহেতু শ্রীকৃষ্ণভজনের সর্বোত্তমতা নির্দ্দেশ করায় শ্রীকৃষ্ণের অন্য অবতারভজন হইতে সর্বাবতারী ঐীক্বঞ্চজনের সর্বোত্তমতা স্মৃতরাং স্থাসিদ্ধ হইল। তৎপরে ১১।২৯।২১ শ্লোকে শ্রীকৃষ্ণভজনেরই শ্রেষ্ঠত্ব কৈমুত্যে দর্শন করাইতেছেন।

যো যো ময়ি পরে ধর্মঃ কল্পতে নিষ্ফলায় চেৎ। তত্রায়াসোহনিরর্থঃ স্থান্তয়াদেরিব সত্তমঃ।

"হে উদ্ধব! যে যে বেদবিহিত ধর্ম আমাকে অর্পণ করিয়া অনুষ্ঠিত হয়, সেই সেই ধর্ম যদি নিক্ষলত্ব কল্পিত হয় অর্থাৎ ফলকামনায় অর্পিত না হয়, তাহা হইলে সেই সেই ধর্মে প্রয়াস অর্থাৎ পরিশ্রম অনিরর্থ অর্থাৎ ব্যর্থ হয় না। 'নিক্ষলায়'—এই বিশেষণটি উল্লেখ করিবার উদ্দেশ্য ফলভোগাদিরূপ ভক্তির কোন অন্তরায় না থাকায় সেই সাধকের অভীষ্টসিদ্ধির কোনপ্রকার বাধা হইতে পারে না; সেই বিষয় অর্থাৎ অভীষ্টসিদ্ধির কোনপ্রকার বাধা যে উপস্থিত হইতে পারে না—তাহাই ব্যাইবার জন্য কৈম্ত্যনীতি অবলম্বনে শ্রীকৃষ্ণলক্ষণ নিজের অসাধারণ ভজনীয়তাব্যঞ্জক দৃষ্টান্ত দিতেছেন—'ভয়াদেরিব সন্তমা' অর্থাৎ যেমন কংসাদিতে আমার সহিত সম্বন্ধমাত্র ছিল বলিয়া